

**SOALAN LAZIM**  
**RANG UNDANG-UNDANG RACUN (PINDAAN) 2022 (PORTAL FARMASI)**

**Kandungan**

No. 1 – Apa itu Rang Undang-Undang Racun (Pindaan) 2022 .....	2
No. 2 – Apakah skop kawalan di bawah Akta Racun 1952 buat masa ini .....	3
No. 3 – Ahli farmasi berdaftar dan ahli farmasi berlesen.....	4
No. 4 – Mengapa racun perlu dikawal.....	5
No. 5 – Kawalan perekodan di bawah Akta Racun 1952 [ <i>Akta 366</i> ] .....	6
No. 6 – Apakah pindaan yang dibuat di bawah Rang Undang-Undang Racun (Pindaan) 2022.....	7

## No. 1 – apa itu Rang Undang-Undang Racun (Pindaan) 2022

<b>Soalan:</b>	Apa itu Rang Undang-Undang Racun (Pindaan) 2022?
<b>Jawapan:</b>	<ol style="list-style-type: none"><li>1. Rang Undang-Undang Racun (Pindaan) 2022 adalah satu Rang Undang-Undang untuk meminda Akta Racun 1952 [Akta 366].</li><li>2. Rang Undang-Undang ini telah dibuat bacaan kali pertama di Dewan Rakyat oleh YB Dato' Dr. Haji Noor Azmi bin Ghazali, Timbalan Menteri Kesihatan I pada 14 Mac 2022 dan boleh diakses di portal Parlimen: <a href="https://www.parlimen.gov.my/files/billindex/pdf/2022/DR/DR%202_2022%20-BM.pdf">https://www.parlimen.gov.my/files/billindex/pdf/2022/DR/DR%202_2022%20-BM.pdf</a></li><li>3. Rujukan kepada Akta 366 sedia ada boleh diakses di portal Jabatan Peguam Negara: <a href="https://lom.agc.gov.my/ilims/upload/portal/akta/outputaktap/1714451_BI/ACT%20366_MUKTAMAD_1%20JANUARY%202022.pdf">https://lom.agc.gov.my/ilims/upload/portal/akta/outputaktap/1714451_BI/ACT%20366_MUKTAMAD_1%20JANUARY%202022.pdf</a> atau di portal pharmacy.gov.my: <a href="https://www.pharmacy.gov.my/v2/sites/default/files/document-upload/act-366.pdf">https://www.pharmacy.gov.my/v2/sites/default/files/document-upload/act-366.pdf</a></li><li>4. Sekiranya diluluskan di Parlimen, pindaan yang dibuat di bawah Rang Undang-Undang ini akan mula berkuat kuasa pada satu tarikh yang akan ditetapkan oleh Menteri melalui pemberitahuan dalam Warta.</li></ol>

**No. 2 – apakah skop kawalan di bawah Akta Racun 1952 buat masa ini**

<b>Soalan:</b>	Apakah skop kawalan di bawah Akta Racun 1952 [Akta 366] buat masa ini?
<b>Jawapan:</b>	<ol style="list-style-type: none"><li>1. Akta Racun 1952 [Akta 366] digubal untuk mengawal pengimportan, pemilikan, pengilangan, penyebatian, penyimpanan, pengangkutan, penjualan dan penggunaan racun. Senarai racun yang dikawal oleh Akta 366 adalah seperti yang disenaraikan di bawah Jadual Pertama Akta 366 manakala bagi bahan-bahan psikotropik disenaraikan di bawah Jadual Ketiga Akta 366.</li><li>2. Akta 366 terpakai bagi tujuan kawalan pengendalian racun termasuk ubat-ubatan yang dikendalikan oleh pengamal perubatan berdaftar, pengamal pergigian berdaftar, doktor veterinar dan ahli farmasi berlesen serta mengawal bahan kimia untuk kegunaan industri, penyelidikan, makmal, domestik dan perlombongan.</li></ol>

### No. 3 – ahli farmasi berdaftar dan ahli farmasi berlesen

<b>Soalan:</b>	Siapakah ahli farmasi berdaftar dan ahli farmasi berlesen?
<b>Jawapan:</b>	<ol style="list-style-type: none"><li data-bbox="360 412 1493 837">1. Ahli farmasi berdaftar adalah ahli farmasi yang berdaftar di bawah Akta Pendaftaran Ahli Farmasi 1951 [Akta 371] atau seseorang yang memiliki kelayakan yang diakui oleh Pengarah Kesihatan Negeri Sabah atau Sarawak. Akta 371 telah diperluaskan ke Wilayah Persekutuan Labuan melalui Perintah Wilayah Persekutuan Labuan (Pemeluasan dan Ubah Suaian Akta Pendaftaran Ahli Farmasi 1951) 2009 [P.U.(A) 421/2009] dan ke Sarawak melalui Perintah Negeri Sarawak (Pemeluasan dan Ubah Suaian Akta Pendaftaran Ahli Farmasi 1951) 2009 [P.U.(A) 425/2009].</li><li data-bbox="360 882 1493 1008">2. Ahli farmasi berlesen adalah ahli farmasi berdaftar yang mempunyai lesen Jenis A yang dikeluarkan di bawah seksyen 26 Akta Racun 1952 [Akta 366].</li></ol>

#### No. 4 – mengapa racun perlu dikawal

<b>Soalan:</b>	Mengapa racun perlu dikawal?
<b>Jawapan:</b>	<ol style="list-style-type: none"><li data-bbox="359 432 1487 678">1. Untuk memastikan hanya pengamal perubatan berdaftar, pengamal pergigian berdaftar, doktor veterinar dan ahli farmasi berlesen atau ahli farmasi yang berkhidmat di perkhidmatan awam yang boleh mengendalikan racun atau ubat yang mengandungi racun untuk tujuan rawatan perubatan/ pergigian/ haiwan.</li><li data-bbox="359 730 1487 853">2. Untuk memastikan hanya orang yang dilesenkan di bawah Akta 366 ini yang boleh menjual atau membekal sama ada secara borong atau runcit racun untuk tujuan kegunaan dalam industri.</li><li data-bbox="359 904 1487 1196">3. Untuk memastikan tiada pemesanan racun untuk tujuan yang tidak sah, seperti tujuan keseronokan. Contohnya penyalahgunaan bahan psikotropik, ketum (<i>mitragynine</i>), ubat batuk yang akan mendatangkan kesan ketagihan serta penggunaan bahan kimia prekursor dalam penghasilan secara haram dadah berbahaya dan bahan psikotropik khususnya dalam makmal-makmal haram (<i>clandestine labs</i>).</li><li data-bbox="359 1247 1487 1370">4. Untuk melindungi kesihatan dan kepentingan rakyat serta melindungi alam sekitar dan negara daripada kesan mudarat akibat pengendalian racun secara salah dan tidak berintegriti.</li></ol>

**No. 5 – kawalan perekodan di bawah Akta Racun 1952 [Akta 366]**

<b>Soalan:</b>	Mengapa Akta Racun 1952 [Akta 366] memperuntukkan kawalan terhadap perekodan racun?
<b>Jawapan:</b>	Akta Racun 1952 [Akta 366] telah memperuntukkan keperluan untuk menyimpan dan menyelenggara rekod dalam penjualan/ pembekalan racun. Keperluan ini adalah sangat penting bagi memastikan kebolehesanan penjualan atau pembekalan racun dan akauntabiliti serta integriti penjual atau pembekal racun. Sebagai contoh, dalam situasi yang melibatkan kualiti dan keselamatan ubat-ubatan yang memerlukan tindakan memanggil balik ( <i>recall</i> ) ubat-ubatan tersebut, rekod ini amat penting untuk mengesan penerima ubat yang terlibat.

**No. 6 – apakah pindaan yang dibuat di bawah Rang Undang-Undang Racun (Pindaan) 2022**

<b>Soalan:</b>	Apakah pindaan yang dibuat di bawah Rang Undang-Undang Racun (Pindaan) 2022?
<b>Jawapan:</b>	Rang Undang-Undang Racun (Pindaan) 2022 diwujudkan untuk:  (a) meminda seksyen 2, 3, 7, 15, 16, 17, 18, 19, 21, 23, 24, 26, 30, 31, 32, 35 dan Jadual Ketiga;  (b) memansuhkan seksyen 28; dan  (c) memasukkan seksyen baharu 4A, 26A, 31A, 31B, 31C, 31D dan 31E , 32A, 34A, 34B dan 34C kepada Akta Racun 1952 [ <i>Akta 366</i> ].